

Aretxagazeta

ARETXABALETA / Egubakoitza / 2005eko irailaren 30a

395. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxa: 943 77 18 54 • Posta elektronikoa: aretxagazeta@goiena.com • Lege gordailua: SS378/94

MAIDER ETXANIZ ETA XABIER SARASUA/GAZTE TEKNIKARIA ETA KULTURA ZINEGOTZIA

“Poliki-poliki eurena den lekua sentitu behar dute gazteek eta ekintzak antolatzen ikasi”

ARETXAGAZETA

Urriaren 7an gaztelekua inauguratuko dute. 12 eta 17 urte bitarteko gazteak elkartu eta ondo pasatzeko tokia izango da. Iralabarri plazan izango du behin-behineko egoitza, erabilera askotariko eraikina egin bitartean.

Urriaren 7an gaztelekua inauguratuko duzue...

Bai, jaialdi bat egingo dugu. 17:00etan izango da, eta merienda-pasa egingo dugu: superjumping eta arku-tiroketa egongo dira eta musika jarriko dugu Iralabarri plazan. Gura duen guztia hurreratu ahal izango da gaztelekua ikustera. Gainera, Aretxabaleta 12 eta 17 urte arteko gazteei gonbidapena bidaliko diegu.

Nortzuen artean egin duzue gaztelekuaren proiektua?

Askok hartu dugu parte: Gazteria sailarekin batera, Kulturak, Euskarak, Kirolak eta Prebentzio sailak. Bakoitzak helburu bat jarri du: herri dinamikan parte hartzea; harremanak euskaraz izatea; kirola egiteko ohitura berreskuratzea; eta sexu harremanak, drogak eta beste hainbat gai lantzeko tokia izatea. Hilabete batzuetan landu ostean ikastetxe eta guraso elkarteei aurkeztu genien proiektua.

Zela antolatu duzue gaztelekuaren jarduna?

Hezitzaile bi egongo dira. 12-17 tartea adin tartea zaila da; sarri ez dute jakiten zer egin,



M.A.

bazterretan pipak jaten egoten dira... Hortaz, ondo pasatzeko proiektua izango da, baina era berean balio batzuk landuko ditugu: gazteen parte-hartzea bultzatzea, ekintzak edo irteerak antolatzeko orduan, esaterako. Poliki-poliki eurena den lekua sentitu behar dute, eta gauzak banatzen

eta antolatzen ikasi. Izena eta logotipoa ere ez ditu oraindik, eta eurek jarriko diote.

Zein ordutegi izango du?

Aste bukaera, jaiegun eta opor garaian egongo da zabalik 16:30etik 20:30era bitartean. Egun bereziak ere antolatuko dituzte; irteerak, esaterako.

Eta zer egongo da bertan?

Telebista bat eta prentsa, jolasak... Irteerak egin gura dituztela, ikastaroak antolatu gura dituztela: malabareak, makillajea... Ondo pasatzeko tokia izango da, baina aukera guztiekin.

Gaztelekua antolatzen den lehenengo aldia ez da.

Ez, aurreko agintaldian egin zuten ahalegin bat, baina bertan behera geratu zen. Beste zenbait lekutan ere egin dituzte ahaleginak eta beti ez zaie ondo ateratu. Hainbat faktore daude: asmatzen duzun edo ez gazteen beharrek, hezitzaileak zeintzuk diren... Gu kontu handiarekin ibili gara, eta behar bezala hasteko uda pasatu arte itxaron gura izan dugu.

Iralabarri plazan dauka egoitza, ezta?

Behin-behineko gaztelekuak bai, baina behin betikoa Santa Kurtz kalean egingo duten erabilera askotariko eraikinean egongo da. Pare bat urterako abian egotea gurako genuke, eta han sukaldea ere izango dugu.

Zergatik aukeratu duzue 12-17 adin tartea?

Gazteriaren inguruan hutsune handia zegoela konturatu ginen. Horregatik, Foru Aldundiari eskaera egin genion gure herriko gazteriaren egoeraren diagnostia egin zezala. Badakigu beste adin tartea batzuk ere badaudela, baina nonbaitetik hasi behar genuen, eta behar handien 12-17 tartea zeukala esan zigun diagnostikak; nerabezaroak, hain zuzen ere. Udalean Gazteria Saila sortu dugu, badaukagu Gazteria teknikaria, eta gazteei begira lan egiten duen arloa ere bai, eta horren guztiaren barruan gaztelekua proiektu garrantzitsua da. Lehen esandako moduan, badakigu beste adin tartea batzuk ere daudela, eta poliki-poliki egin beharreko ibilbidea izango da.



ARLUTZ

MITARTE, 16 • ARETXABALETA • TEL. 943 79 32 34



ERAIKUNTZA ETA INDUSKETAK

Tel.: 943 79 01 51
Basabe poligonoa 4, EQ-11 • ARETXABALETA

Zuzendaria:
Lyonel Arquero

Dekorazioa:
Soraya Arquero

Jou Diaz

Harakina

Loramendi 1
Tel.: 943 79 71 69
20550 ARETXABALETA

FARMAZIENTXANDA

ZAPATUA, 1
FRANLE Herriko Plaza, 10.. 943 79 21 99

DOMEKA, 2
FRANLE Herriko Plaza, 10.. 943 79 21 99

TELEFONOAK

OROKORRAK

Almen	943 71 49 07
ARETXAGAZETA	943 79 86 21
Fara	943 77 18 54
Basoak	943 77 09 81
Euskaltegia	943 79 21 68
Gazte laguntzailea	943 71 18 62
Industriaidea	943 79 62 80
Instituta	943 79 79 00
Kirol etxea	943 71 26 28
Kultura etxea	943 71 10 27
Gazteria saila	943 71 10 27
Kurtzebarri Eskola	943 79 00 49
Kurtzebarri BHI	943 79 57 40
XZGunea	934 79 94 44
Liburutegia	943 71 18 62
Loramendi EE	943 77 09 70
Ludoteka	943 79 05 81
Mankomunitatea	943 79 30 90
Murrukiwo ME	943 79 93 74
Musika Eskola	943 79 36 50
Osasun etxea	943 71 19 59
Oñalora	943 71 24 06
Parrokia (bulegoa)	943 79 18 42
Pasoska Haur Eskola	943 77 03 77
Postetxea	943 79 28 31
Sasabeazpi Ikastola	943 71 21 18
Taxi geltokia	943 77 12 64
Udal Bulegoak	943 71 18 62
Udalzaingoa	943 71 18 63
Urats Gain	943 79 99 11

UDALZAINGOA

Airasate 943 79 14 39 |

IARRIALDIK

SOS Deiak	112
Eskualde Ospitalea	943 03 53 00
Ertzaintza	943 79 71 99
Gurutze Gorria	943 76 55 76
Lamaldiak	943 46 11 11
Suhiltzaileak (Oñati)	943 78 28 00

Hasi dira parrokiako organoa konpontzen

M.A.


Irailaren 20an hasi zen Azpeitiko enpresa bat Andre Mariaren Zeruratze parrokiako organoa konpontzen. 40 egun izango dituzte lanok bukatzeko, eta Santa Zezilia egunerako gertu egongo da. Lanok iraun bitartean guztiz debekatuta dago korura igotzea.

Dagoeneko hainbat pieza eraman dituzte Azpeitiara bertan konpontzeko, haien artean teklatura. Gero, urriaren 12tik aurrera, parrokiaren bertan jardungo dute lanean langileek, eta organoaren hodiak garbituko dituzte. Bukatzeko 1925eko motorra aldatuko diote, darda-

ra handia dauka-eta. 40 egun beharko dituzte langileek lanok egiteko, eta Santa Zezilia egunerako meza nagusirako gertu izango dute.

100 URTE DITUEN ORGANOA

Hain zuzen, aurten bete ditu 100 urte parrokiako organoak. Fernand Price Frantziako organo egile, mantatzaile eta harmonia jartzaile ospetsuak egin zuen. Ez da organo handia, baina arbasoek utzitako bitxi interesgarria bai. Parrokiako kideek konpondu gura izan dute, ondorengoek ere izan dezaten organoarekin gozatzeko aukera. 13.340 euroko aurrekontua dute lanek; horietatik 8.520 euro aretxabaletarrei eskatu diete.



Lehenengo konponketa lanak Azpeitian egingo dituzte eta gero parrokiaren bertan.



Zapore goxoa utzi dute San Migel jaiek

Euskal giroa izan genuen San Migel jaietan: azoka ekologikoa, artisauek, taloak, alboka doinuak, herri kirolak eta, zela ez, Larrin dantza. Dantzari asko ez ziren hurreratu, eta entsegu falta nabaritzen zitzairen batzuei, baina giro bikaina sortu zuten Durana kalean, Ibon Koteronen dultzaina hotsek lagunduta. /M.A.

LABUR


Eskulan ikastaroak ez ditu hasiko Udalak Iralabarri plazara lekualdaketa egin arte

Urriaren hasten dira Udalak antolatzen dituen eskulan eta pintura ikastaroak, baina aurten atzeratu egin dituzte aipatutako ikastarook, lekualdaketa egin behar dutelako aurretik. Santa Kurtz kalean dagoen kultura etxea bota egin behar dute laster, eta orain arte bertako geletan lan egin duten taldeek Iralabarri plazan izango dute egoitza. Kultura etxeko teknikariek lekualdaketa egiten dutenean eta Iralabarri plazako lokalak guztiz egokitzen dituztenean ikastaroetan izena emateko deialdia kaleratuko dute.

PILATES

HASTAPENEHO TALDEAK. BAITA SAIO SEMIPRIBATUAK EDO PRIBATUA. GALDETU ORDUTEGIAK.

PEAK PILATES SISTEM SERIES SISTEMAREN BITARTEZ



Zainduz

Ilargi Plaza, 6 • Aretxabaleta
Tel.: 943 71 27 92 • zainduz@euskalnet.net



LURRINDEGIA
OPARI DENDA

Mitarte 18 • 943 79 38 59
ARETXABALETA

GARBITU S. KOOP


*Garbiketa
orokorrak*

Errekabarren 3- Behea
ARETXABALETA
Tel.: 943 79 01 28

Angelines
AUTOZERBITZUA

*Frutan eta
txarkuterian
espezialitatea*

Mitarte 16 • 943 79 61 42
ARETXABALETA



ZATOZ GURE MUSIKAZ GOZATZERA

Mitarte 9 • Aretxabaleta
Tel.: 943 79 92 01



Ilusio handiarekin hasiko du denboraldia bihar, zapatua, UDA-Mercedes Goiko areto futboleko taldeak.

Bihar hasiko du denboraldia areto futboleko taldeak

M.A.

Bihar, urriak 1, denboraldia hasiko du areto futboleko taldeak. Aurten sortu dute UDA-Mercedes Goiko taldea, eta ilusio handiarekin daude hamaika mutilak.

Urriaren leian, zapatuan, 16:30ean, jokatuko du denboraldiko lehen partidua Aretxabaletako areto futboleko taldeak. Donostiako Tribuna Norte Kirol Elkarteak izango du aurrez aurre Aretxabaletako UDA-Mercedes Goiko taldeak, eta Arrasateko Musakolan dagoen kiroldegian jokatuko dute, Aretxabaletakoa

Kilometroak jaia ospatzeko behar dutelako.

ENTRENATZAILE BARIK

Areto futboleko taldea aurten sortu da Aretxabaletan, eta Gipuzkoako ligan jokatuko du, hirugarren B mailan. Taldeko

hamaika jokalariek ez daukate entrenatzailearik, ez behintzat egunero entrenatzen dituenik, baina ilusio handiarekin ekingo diote denboraldiari. "Helburua izango da gustura aritzea eta gainerako taldeak ezagutzen joatea; izan ere, ez dakigu ezer areto futboleko denboraldiaren gainean", dio Aretxabaleta Kirol Elkarteako presidente Jokin Antxiak.

Lehenengo partidua etxean tokatu arren, Arrasaten jokatuko beharko dute; hortaz, UDA-Mercedes Goiko taldeko mutilek eskertuko dituzte Aretxabaletako jarraitzaileen berotasuna eta adorea emateko oihuak.

Aurten sortu da areto futboleko taldea eta Gipuzkoako ligan jokatuko du, hirugarren B mailan

Herriko plaza Aretxabaleta
Tel.: 943 79 09 33

JAUSQO OSTATUA

Durana kalea 18 1.ESK
ARETXABALETA

Tel.: 943 79 89 69
Sakelakoa: 656 74 81 61

PAGALDAI

Opari denda
Burrindegia

Durana 33 • Aretxabaleta
943 79 10 14

Karlos

Harategia

Santa Kurtz 5
Tel.: 943 71 25 54
20550 ARETXABALETA

Mortin

erloju-denda

Bere bezeroen zerbizura

Mitarte 16
Tel.: 943 79 01 72
ARETXABALETA

PARTIDUAK	EMAITZAK
FUTBOLA UDA-Eibartarrak 2. mailako erregionala. Zapatua. 15:30. Ibarra. UDA/Arizm.-Bergara Ohorezko liga. Zapatua. 17:30. Ibarra. UDA/Arizm.-Ilintxa Bigarren mailako kadeteak. Zapatua. 10:00. Ibarra.	FUTBOLA UDA 3 Aloña Mendi 0 Preferentea. Ordizia 2 UDA/Arizm. 0 Ohorezko gazteak. UDA/Arizm. 3 Bergara 0 Lehen mailako gazteak. UDA/Arizm. 2 Anaitasuna 0 Lehen mailako kadeteak. Elgoibar 2 UDA/Arizm. 5 Ohorezko infantilak. UDA/Arizm. 1 Lagun Onak 0 Infantil txikiak.
	UDA/Arizm. 4 Urki 1 Emakumezkoen liga (F-11). UDA/Arizm. 2 Eibar 9 Emakumezkoen liga (F-8). UDA 1 Real Sociedad 0 Beteranoak. PILOTA Gipuzkoako Pilota Txapelketa Aretxab. 22-Tolosa 17

Dorleta

taberna

Bezeroen zerbizura

Loramendi 8 ARETXABALETA
Tel.: 943 79 94 15

LABUR

Aitor Alcaide eta Fran Miguel bikain dabilta Arrasateko xake txapelketan

Arrasateko xake txapelketa jokatzen dabilta Aitor Alcaide eta Fran Miguel. Irailaren 9an hasi ziren, eta egubakoitzetan jokatzen dute. Fran sailkapeneko lehenengo postuan dago Iñigo Argandoña donostiarrarekin berdinduta, eta Aitor hirugarren dago beste zenbait jokalarirekin batera. Laugarren partida jokatuko dute gaur, 19:00etan, eta partida gogorak dituzte biek: Franek, esaterako, Iñigo Argandoñaren aurka.

Joan zen zapatuan, bestalde, Urrietako txapelketa jokatuko zuten Aitorrek eta Franek, Esteban Romerorekin batera. Stewart Conquest ingelesak irabazi zuen txapelketa baina bikain ibili ziren aretxabaletarrak: Aitor laugarren geratu zen, Fran seigarren eta Esteban hamargarren.

Argazki lehiaketa antolatu du Murruxok datorren urteko egutegiaren azala egiteko

Murruxiko Mendizale Elkarteak argazki lehiaketa antolatu du. Helburua da aukeratutako argazkiarekin Murruxok banatzen duen egutegiaren azala egitea. Orain arte Alberto Etxeberriaren argazkiak erabiltzen zituzten, baina iaz zendu zen Alberto, eta lehiaketa omenaldi txiki bat ere izango da.

Argazkiak paperean, diapositiba formatuan edo kamera digitalarekin atera eta CDan sartuta eraman ahal izango dira Murruxikora, eta bakoitzak lau baino gehiago ezingo ditu aurkeztu. Murruxikoko lokalean utz daitezke, martitzenetan, 19:00etatik 20:00etara, edo Aretxabaletako 34. posta-kutxara bidali. Argazkiak jasoko dituzten azken eguna azaroaren 8a izango da. Irabazten duen argazkiarekin egutegia egiteaz gain, 125 euroko saria emango diote argazkilarik txapelketaren irabazleak. Aurkeztutako argazki guztiak itzuli egingo dituzte Murruxiko MEko kideek.

DV Pilota Txapelketako kanporaketa jokatuko dute bihar, Kilometroen alde

Bihar, zapatua, hainbat pilota partidu jokatuko dituzte Iturrigorri frontoian. 15:30ean Gipuzkoako txapelketako kanporaketak hasiko dituzte: Uriarte eta Oion azpeitiarren aurka lehenengo, eta ondoren, Errasti anaiak elgetarren aurka. Bestalde, 18:00etan, XIV. DV Pilota Txapelketako kanporaketa jokatuko dute Kilometroak jaia-aren alde. Partida bi egongo dira: gazteen mailan, Goenaga eta Zabala, Ollola eta Aldaparen aurka, eta 23 urtez azpiko nagusien mailan, Apeztexea eta Arruti, Bixente eta Esnaolarekin norgehiagokan.

ATREBENTZIAEZPADA/ Gerueu eta ume gizen gehixau dauela esaten daue; arduraketan zau?



ELI BARANDIARAN
Langillie



ANTONIO HERRUZO
Langillie



INMA MIGUEL
Langillie



MARKELIÑE MENDIETA
Langillie



LUIS VELASCO
Jubilau



MARI JOSE ALTUNA
Langillie

Ez, etxien ohitura batzuk daukou eta ondo ikesiko dauela uste dot. Galdu egin die lehengo ohiturak, ogiaz egindeko ogitartekue adibidez, eta bollerixa gehixau jaten daue oin.

Bai, elikadura zaindu egin biher da eta gure etxien daretik jaten dou. Gertatuteko jaki asko jaten da oin, bollerixa asko, eta gutxieu gertaketan da sukaldien. Ama edo aitte falta da etxien.

Bai. Lehen jangelan geldiketetan zien eta ondo emuten eutzien. Oin etxien bazkaitten daue eta ahaleginketan naz jatordu ekilibrauek egitten. Hezi egin biher dittugu ondo jateko; ez da samurre.

Bai. Nik uste dot gurasuek daukiela kulpie; goxoki gutxiau eta barazki gehixau emun biher jakue umiei, besterik ez bada pure egintte. Txikittetik erakutsi biher jakue neurrixen jaten.

Bai, eta aittejaun-aman-driok be ahaleginketan gare jatorduek zainketan. Arraiñe, barazkixek... emuten dutzou bazkaitteko, eta merixendetako ogitartekue eta jogurre.

Bai, txikitten gizona dana haundi egitterakuen be gizona izengo dalako. Astien zihher goxoki dendara ezin dala fan badakixie, baiñe bestelakuen ez dou horrenbesterako zainketan.

TXALOAKETATXISTUAK



TXISTUAK TXINTXAUNAK, ZEINENDAKO? Herrian kexu izaten dira gazteak, ez dutelako ez nora joan, ezta non egon ere. Antza denez, kexa berberak izango dituzte gaztetxoek ere, umeen txintxaunetan hasi dira-eta jolasean. Gaztetxoak jolasean dabilzan bitartean, umeek begira egon behar. Adin tarte bakoitzak bere beharrak ditu, eta erantzuna eman behar diegu, bestela beti txikienek ordaintzen dute. / M.A.

ORAINDELA 3URTEARETXABALETAN

Antonio Zuatzuari egin zioten omenaldia

Hainbat urtetan izan da ohitura San Migel jaietan omenaldia egitea herritarren bati. 2002ko irailaren 28an Antonio Zuatzuari egin zioten, urte askoan ibili zelako Olentzerori lagun egiten idiekin eta gurdiarekin. Omenaldi ostean Beinke-Loramendi dantza egiten zuten Herriko Plazan.



ASTEKODATUA

40

EGUN IZANGO DITUZTE ORGANOAK KONPONTZEKO

Parrokiako organoa konpontzen dabilta eta 40 egun izango dituzte langileek horretarako. Irailaren 20an hasi ziren; hortaz, azaro erdi ingururako bukatuta egon beharko du.

BESTEKEKESANA

“Doktrinan irakatsi ziguten 10 manamendu daudela, beste gauza batzuen artean. Euretako bat maitatu egin behar dugula da. Oker genbiltzan orduan ere, pertsona duina izateko oinarriak galduta. Baina, oja! Hau ez da erlijioaren kontu eskusiboa. Adibide hau lanera, koadrilara, politikara... eraman dezakegu inongo erreparu barik. Erakutsi digute zein balore den ona eta zein txarra, zer sentitu beharko genukeen miserable ez izateko, munstro ez sentitzeko. Ba ez. Sentitzen dena sentitzen da, horrek ez dauka bueltarik. Gainontzeko poz eta pena adierazpenak beldurrez egindakoak edota zeresangodutenaren opari antzuek dira, hutsak. Ez dugu plastikozko lorerik merezi, ez jasotzeko eta ezta erregalatzeko ere.

ANDONI MUXIKA
Argia/05-09-25

HERRITARRENBERBAK/ Arrate Arkauz



Igandean etxean dugu Kilometroak

Pasa dira 6 urte, “kilometroak ala kilolitroak” izenburupean, ARETXAGAZETAn, iritzi artikulua idatzi nuela. Orduan, urruti izan ziren arren, erreflexio bat egiteko motiboa behintzat eman zidan. Oreretakoa “bizi kmk-99” izan zen eta azkenean, kilozaparrada eta kilomozerretan laburtu nuen han ikusitakoa.

Etara! konturatu orduko, gurera ere etorri da! Gainean dugu! Baina... Laster pasako da. Atzean geldituko dira, urtean zehar egingo dako bilerak, ardurak, kontaktuak, lanak, jaialdiak... eta beste milaka eta milaka buruhauste. Errosarix biharamuna, beste egun bat gehiago izango da batzuentzat eta lasaitasunerako unea besteentzat. Horrela konturatzen da bat, horrelako jaialdi batekin gozatzeko aukera, etxe ondoan ere badugula, urrutira joan gabe. Orain arte, urrutikoetara joan bagara, orain bertan dugunean, etxean gelditu behar al gara?

Dena dela, gezurra badirudi ere, 1999an iritzi artikulua idatzi

nuenean, ez nekien zer nolako jende pila ibili behar izaten den, guzti horren atzean. Gehienak, borandatez, ilusioaren truke, ikastolei, euskarari, edo guztiari batera, bultzadatxo bat eman nahian.

Pasa den igandean egin nuen ibilbidea korrikan eta agian, ez dago ondo bertako batek esatea, baina... zein ibilbide polita eta erraza! Ez du egingo, baina egiten badu ere, euritan egiteko modukoa, lokatarik gabekoa. Ikazkinaren txondorra eta belar meta ere ikusgai zeuden jadanik... Aurrera nindoan korrikan, baina pentsamenduek, atzera begiratu eta ibilbide hori posible egiteko behar diren baserritarren eta beste hainbaten baimenaz akordatu nintzen. Beraien borondate onaz. Batzuk errazago eta beste batzuk dudatan, baina denak atek zabalik. Txalotzekoa, benetan.

Ea ba egun politaz gozatzeko aukera izaten dugun guztiok eta oroitzapen on bat gelditzen zaigun betiko. *Ifini bizirik, atara Plazara!*

“Orain arte urrutikoetara joan bagara, orain bertan dugunean, etxean gelditu behar al gara?”

Aretxagazeta

Durana 11
20550 ARETXABALETAN
Tel.: 943 79 86 21
Faxa: 943 77 18 54
Posta-e: aretxagazeta@goiena.com

ZUZENDARIA
Mirari Altube

ERREDAKZIOA
Mirari Altube

MAKETAZIOA
Alex Azkarate

PUBLIZITATEA
Ziortza Martin

ZUZENTZAILA
Sergio Azkarate

LEGE-GORDAILUA
SS-378-94

ISSN
1134-2609

TIRADA
3.800 ale

ARETXAGAZETA / ZE BARRI? • Edizio honek erakunde hauen laguntza izan du:



Eusko Jauriaritzako
Kultura Saila



Gipuzkoako
Foru Aldundia



Aretxabaletako
Udala



Eskoriatzako
Udala



Leintz Gatzagako
Udala